

НОТЎЛИҚ ОИЛАДА ВОЯГА ЕТАЁТГАН БОЛАЛАРНИНГ ХУҚУҚИЙ, ПСИХОЛОГИК ВА МАЊНАВИЙ-АХЛОҚИЙ ҲОЛАТЛАРИ ТАҲЛИЛИ

**М.Ахмедова ҚарДУ оиласи муносабатлар психологияси йўналиши
магистри**

АННОТАЦИЯ: Ушбу мақолада бугунги кунда нафақат Ўзбекистоннинг, балки бутун дунёнинг глобал муаммоларидан бири бўлмиш – нотўлик оиласи вояга етаётган болаларнинг хуқуқий, психологик, ахлоқий ҳолатлари ўрганилади. Шунингдек, ажрашишдан сўнг фарзанд олидида ота-она бурч ва мажбуриятларининг диний хукмлари ҳам таҳлил қилинади. Маълумки, ҳар бир жамият асосини баҳтли ва мустаҳкам оила ташкил этади. Оила маънан баҳтли бўлгандагина, моддий неъматлар қўзга кўринади, демографик муаммолар ҳал этилиб, ҳар бир инсон ўз соҳаси ривожи учун хотиржам ҳисса қўша олади. Оила мустаҳкамлигига раҳна солувчи муаммолар ва уларнинг оқибатини ўрганиш, таҳлил қилиш ҳамда улардан тўғри холоса чиқара билиш оила ва жамият келажагини фаровон бўлишига олиб келади.

Калит сўзлар: Оила мустаҳкамлиги, нотўлик оила, ажрашув, фарзанд тарбияси, ижтимоийлашув, девиант ҳулқ-атвор, оиласидаги соғлом маънавий мухит, алимент.

ANALYSIS OF THE LEGAL, PSYCHOLOGICAL AND SPIRITUALMORAL STATE OF CHILDREN GROWING UP IN A DEFECTIVE FAMILY

ABSTRACT: The article examines the legal, psychological, moral conditions for raising children in an inferior family, which today are one of the global problems not only in Uzbekistan, but throughout the world. Religious rulings on parental duties and responsibility to the child after a divorce are also analyzed. The basis of any society is a happy and strong family. Only when the family is spiritually happy, material benefits are visible, demographic problems are solved, and everyone calmly works on developing their business. The ability to study, analyze and draw the right conclusions from the problems and their consequences that undermine the strength of the family leads to a prosperous future for the family and society.

Keywords: Consolidation of the family, defective family, divorce, upbringing of the children, socialization, deviant behavior, spiritual healthy environment in the family, alimony.

АНАЛИЗ ПРАВОВОГО, ПСИХОЛОГИЧЕСКОГО И ДУХОВНОНРАВЕСТВЕННОГО СОСТОЯНИЯ ДЕТЕЙ, ВОСПИТЫВАЮЩЕГОСЯ В НЕПОЛНОЦЕННОЙ СЕМЬЕ.

Аннотация В статье исследуются правовые, психологические, нравственные условия воспитания детей в неполноценной семье, которые сегодня являются одной из глобальных проблем не только в Узбекистане, но и во всем мире. Также анализируются религиозные постановление о родительских обязанностях и ответственности перед ребенком после развода. Основа любого общества - это счастливая и крепкая семья. Только когда семья духовно счастлива, материальные блага видны, демографические проблемы решены, и каждый спокойно работает над развитием своего дела. Способность изучать, анализировать и делать правильные выводы из проблем и их последствие, подрывающих прочность семьи, ведет к благополучному будущему для семьи и общества. Ключевые слова: Укрепление семьи, неполноценная семья, развод, воспитание детей, социализация, девиантное поведение, здоровая духовная среда в семье, алименты.

Халқимиз қадим-қадимдан бола тарбияси, таълими, келажагига катта эътибор билан қараган. Бола тарбиясида умуминсоний, миллий ва диний тажрибаларни уйғунликда олиб бориб, давлатимиз, жамиятимиз, қолаверса, дунё тараққиётига катта ҳисса қўшган олимлар, алломаларни етиштириб чиқарган ва етиштиrmоқда. Ўзбекистон Республикаси Президенти Шавкат Мирзиёев нутқида “Таълим ва тарбия соҳасидаги туб ислоҳотларни юксак босқичга кўтариш, мамлакатимизнинг тақдири ва келажаги учун масъулиятни ўз зиммасига олишга қодир бўлган янги авлод кадрларини вояга етказишга қаратилган ишларни изчил давом эттириш ҳаммамизнинг нафакат вазифамиз, балки муқаддас бурчимиз”[1,19] деб, боланинг ёрқин келажаги нафакат ота-она, таълим муассасаси ходимлари, фуқароларни ўзини-ўзи бошқариш органларивакиллари, балки бутун жамиятнинг бурчи эканлигини таъкидлаб ўтган. Афсуски, оила аталмиш қўрғон дарз кетганда эса маънавий курбонлар кўп бўлади. Шулар орасида энг қаттиқ маънавий зарбага учраган инсонлар – бу норасида фарзандлардир. Нотўлиқ оиласида вояга етадётганларнинг сони эса йилдан йилга ошиб бормоқда. Илмий тадқиқот иши изчил, аниқ мақсадга йўналтирилган, самарали натижага эришилиши учун илмий методларга мурожаат қилинади. Нотўлиқ оиласида вояга етадётган болаларнинг ҳуқуқий, психологик ҳамда маънавийахлоқий ҳолатлари таҳлил этилган ушбу илмий мақолада назарий методлардан қиёсий таҳлил, таққослаш, тизимлилиқдан фойдаланилди. Илмий мақоланинг амалий қисмини ёритишида дала тадқиқотлари, яъни сўровнома ва интервью методларидан фойдаланилди. Ўзбекистон Республикасининг қомуси бўлмиш Конституциянинг 64- моддасида “Ота-оналар ўз фарзандларини вояга

етгунларига қадар боқиши ва тарбиялашга мажбурдирлар”[2, 22] деб, болаларнинг ҳақ-хуқуқлари қонуний тартибда мустаҳкамлаб қўйилган. Шунингдек, давлатимиз ушбу соҳага оид кўплаб қонун ва қонуности хужжатлар қабул қилган, халқаро хужжатларга қўшилган, ратификация қилган. “Оила энциклопедияси” да “Нотўлиқ оила – бу ота-оналардан бири йўқ бўлган оила. Бу оила турида ота-оналарнинг ажрашиб кетишидан ташқари, бирор объектив ва субъектив сабаблар натижасида: беморлик, фавқулодда ҳодисалар, ўлим, меҳнат миграцияси туфайли эр ёки хотиннинг ўзга юртларда қолиб кетиш ҳолатлари ҳам учрайди” [3, 108] деб “нотўлиқ оила” тушунчасига таъриф берилган. Психолог Шоумаров Г. “Маълумки, ўзбек оилаларида ажралишлар миқдори бошқа миллатлар, масалан рус оилалариникига қараганда икки марта кам. Лекин ҳар бир ажралишган оиласига тўғри келадиган “тирик етим” болалар сони ўзбек оилаларида 2-2,5 мартаға кўп” [4, 188] деган. Таъкидлаш лозимки, ажрашишдан кейин маънавий қурбонлар сони, болалар ҳисобига, ўзбекларда афсуски кўпроқ. Чет эл олимларидан Э.А. Аднан, Р.И. Рауф ва бошқаларнинг “Ажрашувни қабул қилиш таълими”[5], Д. Мечаник ва С. Ҳанселлнинг “Ажрашиш, оиласий низолар ва уларнинг ўсмирик даври фаровонлигига таъсири”[6], А. П. Беҳере, П.Баснет, П. Кампбеллнинг “Оила тузилишининг болалар руҳий саломатлигигатаъсири: дастлабки тадқиқот”[7] каби мақолаларда оила мустаҳкалигини сақлаш, ажрашиш сабабларини ўрганишдан кўра, ажрашувнинг оиласига вояга етаётган фарзандларнинг жисмоний ва руҳий соғлигига бўлган таъсирига кўпроқ эътибор қаратилган. Солишириб ўрганадиган бўлсак, ўзбек оилаларида ажрашиш юз берганда нафакат фарзанд, балки эр-хотин, уларнинг ота-онаси ва яқинлари ҳам психологик оғир вазиятга тушиб қоладилар. Бу ўзбек менталитетининг оғиқли бир нуқтаси ҳисобланади.

Кўпинча оилалар бузилганда болалар онада қолади. Бунга сабаб, онаси фарзандини барча талабларини, инжиқликларини яхши билиши, кўп вақтини асосан фарзанди билан ўтказганидадир. Аммо бу ота энди оталик вазифасидан озод дегани эмас. Ўзбекистон Республикаси Оила Кодексининг 96-моддасида “Ота-она вояга етмаган болаларига таъминот бериши шарт. Вояга етмаган болаларига таъминот бериш мажбуриятини ихтиёрий равища бажармаган ота(она)дан суднинг ҳал қилув қарорига ёки суд буйруғига асосан алимент ундирилади”[8] дейилган. Қонун хужжатларида белгиланган тартиб асосида, бола манфаатларини кўзлаб, ота-онанинг ўзи ҳам алимент тўлаш тартибини келишиб олишлари мумкин. Шунингдек, “Агар вояга етмаган болаларига таъминот бериш ҳакида ота-она ўртасида келишув бўлмаса, уларнинг таъминоти учун алимент суд томонидан ота-онанинг ҳар ойдаги иш ҳақи ва (ёки) бошқа даромадининг бир бола учун — тўртдан бир қисми; икки бола учун — учдан бир қисми; уч ва ундан ортиқ бола учун —

ярмиси миқдорида ундирилади. Ҳар бир бола учун ундирилдиган алимент миқдори қонунчилик билан белгиланган меҳнатга ҳақ тўлаш энг кам миқдорининг 26,5 фоизидан кам бўлмаслиги керак”[8], деб вояга етмаган бола (болалар) учун алимент тўлаш тартиби ва миқдори белгиланган. Ислом дини тарихида ҳам ажрашиш ҳолатлари бўлган. Бундай вақтда, яъни аёл эри билан оила бўлиб яшаб кетолмаслиги аниқ бўлган, муроса йўлига ўтилган. Яъни аёл ва унинг фарзандлари учун алоҳида уй ажратилган ва ота эрлик вазифаларини бажармаса ҳам, оталик бурчини адо қилиб, болаларини моддий ва маънавий таъминлаган. “Шариат истилоҳида ота ва она ажрашганидан кейин гўдак болани ўз қарамоғига олиш ва тарбия қилиш – “ҳизона” (“қучоғига олиш”) дейилади. Ота-онанинг нима сабабдан ва қандай ҳолатда ажрашганларидан қатъи назар, онаси истаб турса, бола онага берилади. Агар аёл олишни истамаса, у мажбуруланмайди” [9, 332]. Лекин иложи борича онага, она томонидан аёл қариндошга берилади. Саҳоба Али розияллоҳуанхудан ривоят қилинган ҳадисга кўра, “Расулуллоҳ соллаллоҳу алайҳи васаллам “Хола она билан баробардир”, дедилар”[10, 548], дейилган. Ёш болани қарамоғига олиш каби масъулиятнинг маънавий томонини эркакларга нисбатан аёллар яхши бажара олишлари ҳаммага маълум. Аммо ҳадиси шарифларга кўра, болани ва бола тарбияси билан банд бўлган онани моддий таъминлаш отанинг бурчи бўлиб қолаверган ва бундай мажбуриятдан бўйин тўвлаш оталар учун ҳам оп ҳисобланган.

Бугунги кунда, асосан, ажрашишдан сўнг болаларнинг таъминоти тўлиқ онасининг зиммасига ўтади. Ота учун эса нафакат аёли, балки фарзандлари ҳам “собиқ”лик мақомини эгаллайди. Энди улар ундан узокда, “ёмон” онасининг қўлида, демак ўша она боқиб олсин, деган тушунча билан уялмай, бошқа янги ҳаёт қуришни кўзлаб юрган одамлар орамизда оз эмас. Боланинг маънавий ҳолати у ёқда турсин, моддий эҳтиёжлари ҳам таъминланмайди. Суд томонидан ундирилдиган алимент ҳам мутасадди ташкилотларнинг мажбуровлари билан, жавобгарликка тортилмаслик учун тўланади. Шундай оталар ҳам борки, ўз фарзандига алимент тўловини қисқартириш учун, бегона инсонлардан ёрдам сўраб, “рози қилиш”ларини айтиб юрадилар. Ўз фарзандига шу пулни бериш эса “увол”дек туюлади. Гўёки бу билан улар фарзандларини эмас, собиқ рафиқаларини “ёмонлиги”, “бесабрлиги” учун жазолаётгандек. Лекин аслида ким қийналмоқда? Кимнинг болалик йиллари ўзининг болалик орзуларини чегаралаш билан ўтмоқда? Аёли собиқлик мақомини олгани билан фарзандлар шу инсон наслининг давомчиси ҳисобланади. Инсонийлик, мардлик туйғуларини унутмаган одам болаларини на моддий, на маънавий қийноқларда қолишига йўл қўймайди. Шу масалалар юзасидан, “2017 йил май ойида Ўзбекистон Республикаси Суд департаменти, ҳозирги Мажбурий ижро бюроси Наманганд вилояти бюро суд ижроҷилари томонидан бир қатор ишлар амалга оширилди. Маълум бўлишича, бюрога

келиб тушаётган ижро ҳужжатларининг 60%и алиментни тўламаслик билан боғлиқ масалаларга оид. Оталик бурчини унуган инсонларга масъулиятларини ёдига солиш, маънан таъсир кўрсатиш мақсадида “Фарзандларнинг ҳам собиқи бўладими?”, “Дадажон бизни эсингиздан чиқарманг!” шиорлари остида баннерлар ишлаб чиқарилиб, вилоятнинг туман марказларига жойлаштириб чиқилди” [11]. Маълумотларга кўра, 2021 йилнинг 1 июль ҳолатига кўра, Мажбурий ижро бюросида иш юритувидаги 992 мингдан ортиқ ижро ҳужжатларининг 245 мингдан ортигини(24%и) алимент тўловларига оид ишлар ташкил қиласди. 126710га яқин алимент қарздорлари тўловларни ўз вақтида тўлаб келаётган бўлсалар, 58 190га яқинининг алимент пуллари давлат ижрочилари томонидан қарздорларга мажбурий ижро этиш чораларини қўллаш орқали ундириб берилмоқда. Демак, 58 -190га яқин алимент тўловчи алимент пулини ўз хоҳиши билан тўламайди. Бюро органлари ижрочилари томонидан алимент тўловлари бўйича қарздор ва ундирувчилар билан ўтказилган тарғибот тадбирлари натижасида 2021 йил 1 июляга қадар 1463та ижро ҳужжати юзасидан тарафлар ўзаро яраштиришга эришилган[12].

Мақоланинг амалий қисмида тадқиқотлари, яъни сўровнома ва интервью методлари орқали ўрганилди. Сўровнома ва интервьюда сифат кўрсаткичлари муҳим асос қилиб олинди. 1. Оила ишлари билан шуғулланувчи мутахассислардан интервью олинди. Интервьюда 7та мутахассис ўз фикр, мулоҳазалари билан иштирок этдилар. 2. Ажрашган эркак ва аёллар учун сўровнома тузилди. Сўровномада асосий эътибор респондентларнинг ўз бошларидан кечирган ҳолатни тўлиқ ёритиб бера олишларига қаратилди. Умумий олганда сўровномада 23та респондент иштирок этди. Мавзуумизга доир бир қанча саволларга респондентлардан жавоб олинди. Мисол учун, ажрашган ёшларга “Ажрашишингиз фарзанд(лар)ингизга қандай таъсир қилди?” деб берилган саволга сўровномада вариантлар белгиланмаган бўлиб, иштирокчилардан ўз фикрларини билдиришлари сўралган эди. Куйида фикрлардан намуналар: “Ёмон”; “Тушкунлик”; “Буни вақт кўрсатади”; “У дадасини билмайди”; “Албатта ёмон. Аммо тинч, урушканжалларсиз оилада вояга етгани яхши бўлди”; “Бошқа болаларга нисбатан камгап, кўзлари мунгли”; “Агрессив бўлиб қолишибди”; “Рухиятига таъсир килди”; “Тўғриси билмайман. Фарзандларим билан дадаси тўғрисида умуман гаплашмаймиз”; “Салбий томони: одамларга нисбатан ишончсизлик, ижтимоийлашишда қийналиш кузатилди. Лекин вақти билан ўзилигини тутиб олишди. Эркин яшаб, ўз фикрига эга ва фикрини эркин баён қила оладилар. Ҳаёт муаммолари, қийинчиликларини вақтинчалик синов, деб қабул қилиб, ҳаётга позитив ёндашадилар. Муаммодан қочмай уни ечимини топишга ҳаракат қиласдилар. Ҳамма етимликда катта бўлган болаларда агрессия, тарбиясизлик ҳолатлари

кузатилмас экан. Одамлар бўрттириб юборадилар. Бу фарзанд катта бўлаётган оиласа боғлиқ экан”

Мутахассислардан “Ажримнинг ажрашган инсонларнинг яқинларига таъсири” ҳакида сўралгanda ҳаммалари аввало ажрим ажрашганларнинг фарзандларига салбий таъсир кўрсатишини айтиб ўтганлар. Масалан, ота-онаси ажрашган болаларда психолого-психологик ўзгаришлар, ўзини агресив тутиш, тарбия бузилиши, девиант хулқ-атворга мойиллик, хавотир, ўзига ва одамларга ишонмаслик, келажакка нисбатан ишончнинг йўқлиги, айниқса балоғатга етган қизларнинг турмушга чиқишга кўрқиши, ғийбат, гап-сўзларга нишон бўлиш, айбизиз айбдордек ўзини ҳис қилиш, бола бобо-бувисининг уйида ҳам ўзини эркин ҳис қила олмаслиги, болаликнинг эрта тугаши кабилар кузатилишини айтдилар. Камдан-кам ярим етим болалар жамиятда ўзларини тўлиқ шахс сифатида ҳис қилиб, намоён қила оладилар, деган фикрларни билдирилар. Албатта, ҳар бир болажон учун бу қатъий ҳукм эмас. Маълумотларга қараганда, ўзини тутиб олган бундай тоифа болалар ўзининг мустақил фикрига эга бўлиб, бошқалар бирор муаммосини ҳал қилиб беришини кутмасдан ўзи мустақил қарор қабул қила олади, ўз ҳаётий позицияси, қаттияти бўлади. Шунингдек, психологнинг фикрига кўра, “Ажрим ажрашган инсоннинг ака-укаси, опасинглисисининг оила қуришига ҳам салбий таъсир кўрсатади. Ижтимоий фикр, менталитет сабабли инсонлар ажрашган одами бор оиласа қиз бериш ва қиз олишдан кўрқишилар”. Юрист эса “Ёшлиарнинг ота-оналари орзу-ҳавас мақсадида тезроқ фарзандларининг оилали бўлишларини хоҳлашади, набираларини катта қилишни орзу қилишади. Лекин шошма-шошарлик туфайли кўпинча ўзлари ва жондан азиз фарзандлари жабр кўради. Ота-она учун фарзанди келажаги олдидаги маънавий жавобгарликдан ҳам оғирроқ жазо йўқ. Шунингдек, агар қариндошлар қуда бўлган бўлса, ажрашиш туфайли қариндошлар ўртасида низолар келиб чиқиб, юз кўрмас бўлиб кетадилар”, деди.

Давлатимиз томонидан олиб борилаётган ислоҳотлар, илмий тадқиқотларга қарамасдан, афсуски, оилалар бузилиши ҳолати йилдан йилга кўпайиб бормоқда. Энг ачинарлиси, оилалар ажрашишидан нафақат икки инсон, балки уларнинг яқинлари, фарзандлари ҳам моддий, ҳам маънавий зарар кўради. Ажрашган одамлар ва уларнинг оила аъзоларида руҳий тушкунлик, депрессия ҳолатлари, инсонларга, келажакка бўлган ишончсизлик кузатилади. Бу уларнинг ҳозирги куни ва келажагига, иш фаолиятидаги унумдорликка, фарзанд тарбиясидаги хотиржамлик ва сабртоқатига салбий таъсир ўтказади. Атроф-муҳитдаги одамлар, яқинларининг муҳокама ва ғийбатлари уларнингижтимоийлашишига халақит беради. Шунингдек, нотўлиқ оилада вояга етаётган болаларнинг хулқ-атворида агрессия, қонунбузарликка бўлган мойиллик ҳакида ўзбек ва чет эл тадқиқотчилари кўп бор тўхталиб ўтганлар.

Ажрашган ёшлар билан ўтказилган сўровномадан олинган натижаларга кўра, фарзанд тарбиясидаги салбий ёки ижобий ўзгаришлар бола тўлиқ ёки нотўлиқ оиласда вояга етаётганига эмас, балки бола атрофидаги одамларнинг у ва унинг яқинлари ҳақидаги фикрлари, вояга етаётган оиласида хукм сураётган муҳитга боғлиқ эканлиги аниқланди. Маълумки, эзгу фикр одамни яхши амалларга бошлайди. Шу сабаб, ажрашган инсонлар ва уларнинг яқинларига психолигик ёрдам бериш билан бир қаторда гап-сўзлардан кўркиб, уялиб, ижтимоийлашишдан узоклашишига йўл қўймаслик лозим. Бунинг учун менталитетимиздаги айrim камчиликлар, жумладан, билиб-бilmай бирорларни ҳаётини, ажримини муҳокама қилиш каби маънавий иллатлар билан дунёвий ва диний билимлар тарғиботи асосида курашиш керак. Юқорида қайд этилган тадқиқотлардан олинган натижаларга кўра, оила мустаҳкамлигига эрнинг, отанинг оиласидаги ўрнини ошириш масаласи долзарблиги келиб чиқади. Айrim оиласарда ота ва фарзанд ўртасида мулоқот, дўстлик, ҳамфикрлилик каби жиҳатлар етишмайди. Бу айниқса, нотўлиқ оиласарда яққол кўзга ташланади. Шу сабаб, нотўлиқ оиласарда собиқ эрхотиннинг фарзанд манфаати учун дўстона муносабат ўрнатиш лозимлиги, ота ўзининг фарзанди олдидағи нафақат моддий, балки таълимтарбияга оид маънавий вазифасини унутмаслиги кераклигини кенг тарзда тарғиб қилиб бориш лозим.

Адабиётлар рўйхати.

1. Ёшларга донолар ўгити. – Т.: Fafur Fulom, 2018. – бет 236. (Advices to youngs from wises. – T.: Gafur Gulom, 2018. – p 236.)
2. Ўзбекистон Республикаси Конституцияси. – Т.: Ўзбекистон, 2019. – бет 80. (Constitution of the Republic of Uzbekistan. – T.: Uzbekistan, 2019. – p 80.)
3. Акрамова Ф. вабошқалар. Оилаэнциклопедияси. – Т.: O’zbekiston milliy ensiklopediyasi, 2019. – бет 237. (Akramova F. and others. The family encyclopedia. – T.: O’zbekiston milliy ensiklopediyasi, 2019. – p. 237.)
4. Шоумаров Ф. вабошқалар. Оиласихологияси. – Т.: Шарқ, 2010. – бет 295. (Shoumarov G. and others. The family psychology. – T.: Sharq, 2010. – p 295.)
5. М.Файзиева. Оилавий муносабатлар психологияси. Қарши-2019 “Насаф” нашриёти.